

Na osnovu člana 19. stav (2) Zakona o Vladi Federacije Bosne i Hercegovine („Službene novine Federacije BiH“, br. 1/94, 8/95, 58/02, 19/03, 2/06 i 8/06) i tačke V. stav (1) Odluke o usvajanju Programa utroška sredstava sa kriterijima raspodjele sredstava „Ugovorene i druge posebne usluge - Transparentnost rada Vlade Federacije BiH u implementaciji reformskih procesa“ utvrđenih Budžetom Federacije Bosne i Hercegovine za 2021. godinu Vladi Federacije Bosne i Hercegovine („Službene novine Federacije BiH“, br. 61/21 i 63/21), Vlada Federacije Bosne i Hercegovine, na 288. sjednici, održanoj 04.11.2021. godine, donosi

## **ODLUKU**

### **O DODJELI DIJELA SREDSTAVA UTVRĐENIH BUDŽETOM FEDERACIJE BOSNE I HERCEGOVINE ZA 2021. GODINU VLADI FEDERACIJE BOSNE I HERCEGOVINE SA POZICIJE „UGOVORENE I DRUGE POSEBNE USLUGE - TRANSPARENTNOST RADA VLADE FEDERACIJE BIH U IMPLEMENTACIJI REFORMSKIH PROCESA“**

#### **I.**

Ovom odlukom utvrđuje se dodjela dijela sredstava utvrđenih u Budžetu Federacije Bosne i Hercegovine za 2021. godinu („Službene novine Federacije BiH“, broj: 4/21), razdjel 12 na ekonomskom kodu 613900 - „Ugovorene i druge posebne usluge - Transparentnost rada Vlade Federacije BiH u implementaciji reformskih procesa“, u ukupnom iznosu od 814.905,00 KM.

#### **II.**

Na osnovu općih i posebnih kriterija iz tač. II. i III. Odluke o usvajanju Programa utroška sredstava sa kriterijima raspodjele sredstava „Ugovorene i druge posebne usluge - Transparentnost rada Vlade Federacije BiH u implementaciji reformskih procesa“ utvrđenih Budžetom Federacije Bosne i Hercegovine za 2021. godinu Vladi Federacije Bosne i Hercegovine i Javnog poziva za prijavu projekata za raspodjelu sredstava po Programu utroška sredstava sa kriterijima raspodjele sredstava „Ugovorene i druge posebne usluge - Transparentnost rada Vlade Federacije BiH u implementaciji reformskih procesa“ utvrđenih Budžetom Federacije Bosne i Hercegovine za 2021. godinu Vladi Federacije Bosne i Hercegovine, utvrđuje se dodjela sredstava korisniku ZPR Agencija za odnose s javnošću Sarajevo, u pojedinačnim iznosima po modulima, kako slijedi:

<b>MODULI</b>		<b>KORISNIK</b>	<b>IZNOS DODIJELJENIH SREDSTAVA</b>
<b>MODUL 1</b>	Mjere i aktivnosti koje Vlada Federacije Bosne i Hercegovine poduzima na stabilizaciji privrede i sanaciji ekonomskih posljedica tokom pandemije izazvane koronavirusom; uključujući Program ekonomske stabilizacije i oporavka Federacije Bosne i Hercegovine 2020. -2021. godina (Pretpostavke za održiv i ubrzan rast u 2022. godini).	<b>ZPR AGENCIJA ZA ODNOS S JAVNOŠĆU Sarajevo</b>	<b>119.925,00 KM</b>
<b>MODUL 2</b>	Mjere i aktivnosti koje Vlada Federacije Bosne i Hercegovine poduzima u oblasti zdravlja stanovništva u borbi protiv koronavirusa te sprečavanju i ublažavanju njegovih posljedica na zdravlje ljudi.	<b>ZPR AGENCIJA ZA ODNOS S JAVNOŠĆU Sarajevo</b>	<b>119.925,00 KM</b>
<b>MODUL 3</b>	Mjere i aktivnosti u provođenju reformskih procesa: ključne socio-ekonomske reforme s ciljem poboljšanja poslovnog okruženja i jačanja konkurentnosti privrednih subjekata, uključujući i donošenje reformskih zakona (Zakona o doprinosima, Zakona o porezu na dohodak, Zakon o PIO i sl.)	<b>ZPR AGENCIJA ZA ODNOS S JAVNOŠĆU Sarajevo</b>	<b>119.925,00 KM</b>
<b>MODUL 4</b>	Reformski procesi i projekti koji se poduzimaju u mandatnom periodu, a odnose se na unapređenje finansijske politike, oblasti privrede, poljoprivrede, poduzetništva i obrta, trgovine, industrije i energetike, infrastrukturnih projekata, prometa i komunikacija, prostornog uređenja, turizma i okoliša.	<b>ZPR AGENCIJA ZA ODNOS S JAVNOŠĆU Sarajevo</b>	<b>119.925,00 KM</b>
<b>MODUL 5</b>	Reformski procesi i projekti koji se poduzimaju u mandatnom periodu, a odnose se na unapređenje oblasti radnog zakonodavstva, unutrašnjih poslova, socijalne politike, boračko-invalidske zaštite, ostvarivanja prava raseljenih osoba i izbjeglica, obrazovanja i nauke, te kulture i sporta.	<b>ZPR AGENCIJA ZA ODNOS S JAVNOŠĆU Sarajevo</b>	<b>119.925,00 KM</b>
<b>MODUL 6</b>	Reformski procesi koji se odnose na izradu, donošenje i implementaciju strateških dokumenata za razvoj Federacije Bosne i Hercegovine	<b>ZPR AGENCIJA ZA ODNOS S JAVNOŠĆU Sarajevo</b>	<b>119.925,00 KM</b>
<b>MODUL 8</b>	Jačanje kanala komunikacije Vlade Federacije Bosne i Hercegovine - Unapređenje transparentnosti u radu Vlade Federacije Bosne i Hercegovine putem jačanja kanala komunikacije s javnošću	<b>ZPR AGENCIJA ZA ODNOS S JAVNOŠĆU Sarajevo</b>	<b>95.355,00 KM</b>
			<b>UKUPNO: 814.905,00 KM</b>

### III.

Zadužuje se korisnik sredstava iz tačke II. ove odluke, da Izvještaj o namjenskom utrošku sredstava iz tačke I. ove odluke dostavi Vladi Federacije Bosne i Hercegovine - Generalnom sekretarijatu Vlade Federacije Bosne i Hercegovine, najkasnije do 31.12.2022. godine.

#### IV.

Vlada Federacije Bosne i Hercegovine - Generalni sekretarijat Vlade Federacije Bosne i Hercegovine, će sa korisnikom iz tačke II. ove odluke, zaključiti pojedinačne ugovore za svaki modul posebno, o dodjeli i korištenju finansijskih sredstava, kojima će se regulirati međusobna prava i obaveze.

Ovlašćuje se sekretar Vlade Federacije Bosne i Hercegovine da, u ime Vlade Federacije Bosne i Hercegovine, potpiše ugovore o dodjeli i korištenju finansijskih sredstava iz stava (1) ove tačke.

Vlada Federacije Bosne i Hercegovine - Generalni sekretarijat Vlade Federacije Bosne i Hercegovine će finansijska sredstva iz tačke II. ove odluke doznačiti na račun korisnika iz tačke II. ove odluke.

#### V.

Za realizaciju ove odluke, zadužuju se Vlada Federacije Bosne i Hercegovine - Generalni sekretarijat Vlade Federacije Bosne i Hercegovine i Federalno ministarstvo finansija-Federalno ministarstvo financija, svako u okviru svoje nadležnosti.

#### VI.

Ova odluka stupa na snagu narednog dana od dana objavljivanja u „Službenim novinama Federacije BiH“.

V. broj: 1642 /2021  
04.11.2021. godine  
Sarajevo

